



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 1. Desumpta ex cap. 20. & 21. lib. Numeri, in quibus describitur
Murmur Populi & aquæ contradictionis, Moysisque diffidentia. Alterum
Murmur Populi nauseantis Mann: & hinc à Deo meritò ...

[urn:nbn:de:hbz:466:1-61252](#)

FASCICULUS XXV.

Doctrinarum Moralium & Asceticarum.

Doctrina I.

Desumpta ex cap. 20. & 21. lib. Numeri, in quibus describitur Murmur Populi & aqua contradictionis, Moysisque diffidentia. Alterum Murmur Populi nauseantis Manna: & hinc à Deo merito puniti, sed liberati à vulneribus per Serpentis aenei aspectum.

N. 159. Considera I. **T**antam esse Providentiam Dei, ut citius contingat è durissimo silice fluere aquas, quam unicum divinæ relictum curæ, siti aut fame perire. Nemo debet de vita sua desperare, ait S. Hieron. in Psal. 107. Nemo timeat, nemo debet dicere: si semero, unde habeo vivere? si infirmus factus fuero, unde vivo? Christum habes, & times? si volatilia pascit, dubitas: quod possit te pascere? Diabolus pascit suos homines, & Christus non pascat servos suos? tenuis quidem videri posset commeatus, milites Dei sustentari solâ aquâ & pane, nullô aliò accedente condimento; sed hem! profitetur Scriptura Sacra Sap. 16. Angelorum esca nutriviisti populum tuum, & paratum panem de cælo præstasti illis, sine labore, omne delectamentum in se habentem. Quod si in hoc uno edulio, cuiusvis obsonii sapor pro voto respondit omnium palato, certè nec his aquis mellis dulcedinem abfuisse credendum est. Quid? cum jam cupedias cœlestes nausearent, carnibus inhiantes, asseritur: coturnices in circuitu castrorum itinere unius diei è cœlo demissas esse, eō numero, quem numerari non posse canit Propheta regius Psal. 77. Pluit super eos sicut pulverem carnes, & sicut arenam maris volatilia pennata &c. Habe igitur morem ô Christiane Lector! monitis S. Petri, vi quorum vult omnem sollicitudinem nostram projici in Deum. Projici inquam, non tantum reponi: dum expresse utitur hōc vocabulo projicientes. Est autem magna disparitas, inter hæc duo, dum res projecta censetur penitus abjecta, reposita verò aliqualiter saltem reservata. Jubet ergo Divus Petrus: omnem prorsus curam de bonis temporalibus, victum & amictum concernentibus, in divinæ Providentiæ

dentiae finum penitus abjici. Hincè Petri monitis præluserat summus ille, & jam citatus divinæ Providentiae Panegyrista David Psal. 54. cantans: *Facta super Dominum curam tuam, & ipse te enutriet.* S. Cajetanus Theatinorum Fundator tantam fiduciam fundaverat in his verbis: ut filios suos ne quidem à fidelibus eleemosinam petere voluerit, & tamen tot jam annis largiter pastos vidi Orbis. Seraphicus Pater Franciscus in generali Conventu fratrum suorum, quem ipse primus celebraverat: cùm quinque millia virorum confluxissent, ipsissima verba præstantissimi ferculi loco eis apposuit. Aderat Francisco Patriarcha Dominicus, cui videbatur, sapere non nihil aliquam Dei tentationem, si tam copiosa multitudini de alimentis non prospiceretur. Sed ecce! ex omnibus finitimis urbibus & pagis fit concursus hominum, varii generis commeatum, suppellectilem & vasa deferentium. Tam evidenti Providentiae divinæ testimoniō confirmatus Franciscus poterat Pontifici suscitanti, quis suos aleret? meritò repone: *Matrem quidem habemus pauperem (Religionem) sed Patrem divitem in cælis* Francisci exemplō roboratus Patriarcha Dominicus, dum Romæ fratribus stipem mendicantibus nec mica in eleemosinam cessisset, jussit nihilominus mensæ vacuae omnes assidere: & subito comparuere duo juvenes, qui panes miri candoris apposuere, incipientes ab eo, qui infimō loco consederat. S. Ignatio Lojola divinæ providentiaz filio bilem videbatur movisse non nemo asserens: Miraculum esse, quod tantis temporum angustiis tot socii alerentur, respondebat enim: hoccinè miraculum, ut appellas? miraculum esset, si res aliter se haberet P. Rhoexmp. l. 2. c. 5. Quare Hugo Cardin. Verba Christi Matth. 6. dicentis: *Respicite volatilia &c.* interpretatus ait: verisimiliter exponi possunt haec de Religiosis, qui nec serunt, nec metunt, & nihil in terra querunt: atque ab omni mundana sollicitudine semoti, sola contemplatione in cælo degunt. Quò ergo Christiane Lector minor tibi fuerit cura de rebus, ad viictum necessariis: eò major erga te erit Dei providentia & largitas. Quin imò justam Dei in te provocabis Iracundiam, si cum ingredulo Moysè ob nimiam sollicitudinem de divina dubitabis Providentia. Dico: *Ob nimiam sollicitudinem:* non enim damno labore, qui victus acquirendi causā adhibetur, ne videar ad otianum tibi aperire januam: *Solliciti esse vetamur,* ait Author imperfecti operis: *laborare autem jubemur;* sic enim Dominus loquens ad Adam non dixit: *sum sollicitudine tibi facias panem,* sed *cum labore & sudore facies tua &c.*

Ff

Con-

N.160. Considera 2. Tantò majus obstaculum homines esse habituros in possidendis bonis cœlestibus quantò fuerit eorum major affectus ad comparanda bona terrestria, prout testatur S. Scriptura cap. 21. Israëlitis displicuisse cœlestia fercula, quando recordati sunt carnium Ægypti. Ingeniosum est illud S. Augustini dubium, scribentis in 15. cap. Genes. ubi querit: cur Deus solis arboribus & plantis non benedixerit, creaturis aliis benedicens? sed hoc ipsum resolvens dubium, respondet; hoc ea de causa factum esse, quod arbores & plantæ per radices & fimbrias suas terræ inhæreant, de cœlestium in fluxu parum sollicitæ. Cum autem teste Philosopho homo dicatur *inversa arbor*: hinc Deum intimâsse, illos homines cœlestibûs donis ac influentiis esse indignos, qui arborum instar suis affectibûs terræ essent infixi. Diogenes cæcus Idololatra hoc ipsum sine laterna clarè intuebatur. Quare dum supremum jam duceret spiritum, hoc testamenti tabulis cautum reliquit: ne cæterorum hominum more supinus mandaretur terræ; se namque non dubitare, futurum aliquando, ut mundus tam perversus rursum convertatur. Tum porrò aliis in terram pronis, se faciem in cœlum erectam habiturum. Talem sepulturam viri sancti, ante physicam mortem civiliter & moraliter jam mundo mortui, sed cœlo viventes, sibi elegere, Isaiae monitis obsecuti, cap. 40. dicentis: *Levate in excelsum oculos vestros, & videte quis creavit haec.* Hos inter Primatum tenuit Turonensem Präful, qui jugi aspectu inhærebat cœlo, eaque nota à cæteris mortalibus dignoscetur, ut nomen isthoc fortitus sit *suffex cœli*. Cumque lethali febre corruptus jaceret, oculis in cœlum erectis rogatus est à discipulis, ut corpore tantisper versò quiesceret, dum vis morbi remitteret: finite me, ajebat, cœlum potius quam cœlum videre, ut suô jam itinere iturus ad Deum spiritus, dirigatur. S. Macarius supernis tantummodo inhæsus, se cum decreverat: quinque integris diebus ita mentem componere cum Deo, ut aliud non cogitaret, quam cœlum & Deum. Eō fine casulam suam conclusit, nulli hominum responsum daturus. Vix biduum exegerat: cùm ecce! Daemon prægnoscens, quantis vir iste è cœlo foret replendus donis & gratiis, si præsignatō tempore mera cœlestia tractaret, casulam incendit tam voraci flammâ, ut etiam storea, cui vir sanctus insederat, cooperit ardere. Utinam Christiane Lector una tantum per diem horulâ cogitationes tuas, terrenis rebus abstractas cœlestibus infigeres! ò quot benedictio-
nibus,

nibūs, quot gratiis abundares ! eveniret tibi per brevi, ut cum S. Paulo rerum terrenarum pertæsus exclamares : omnia arbitror ut ster-
cora. Nam certa res est S. Gregoriō Homil. 11. in Evangel. teste :
*Qui cœlestis vita dulcedinem cognoverit, ea qua in terris amaverat, libenter relin-
quit, quia in comparatione illius vilescent omnia.* Sicut enim naturali ordi-
ne, ubi sol suos explicavit radios, illico minora lumina suos abscon-
dunt splendores, ac desinunt videri : ita omnis auri fulgor, gemina-
rum nitor, facierum pulchritudo, ad unius cœli, bene considerati
splendorem, in Christiana occidunt anima, æstimarique desinunt. Fin-
ge tibi hominem, ignobili in tugurio natum, & potiori vitæ tempo-
re ibidem nutritum esse. Hic planè suum apprimè laudabit domi-
ciliū, paucos ei pares, vix dum superiores dari in orbe lares credit,
donec aliquando in amplam urbem divertens, aspiciat Palatia, in
Palatiis excultas tapetibus cameras, crystallō illuminata cubicula. Ta-
libus visis stupore defixus incipiet hærere, ac tum primò suum sibi
mapale sordescere, omnia in illo nimis vilia, nimis angusta, ac peni-
tus nihil habenda videri. Sic eveniet illis, qui diu terrenis immersi, ar-
bitrabantur par, aut superius illis bonum non posse reperiri. At quam-
primum mentis suæ oculis cœperint cœlestia contemplari, jam vo-
luptates omnes, honores & divitias, quas antea tanti fecerant, in cœ-
lestium comparatione incipient contemnere, & pedibūs calcare, cum
Ignatio Lojola exclamantes. ò quàm sordet mihi terra, cùm cœlum
aspicio. Id ipsum tibi continget Christiane, si talem egeris Astrolo-
gum. Quare Moysen imitaturus, pone ante oculos mentis tuæ cœle-
ste illud simus, serpentem, figuram crucifixi Salvatoris, in quo latent
omnes delitiae & divitiae cœlestes. Cerne : quomodo ille terrenis
omnibūs amore tui nudatus è stipite pendeat, ut tu illius considera-
tione discas te quoque exuere terrenis omnibūs, in æternum cum
ipso cœlestia possellurus.

Doctrina 2.

*Defumpta ex cap. 22. 23. & 24. lib. Numeri, in quibus describitur correptio
Balaam Prophete facta ab Angelo & Asina loquente. Data Israëlitis
Benedictio à Balaam & votum de morte Justorum. Tertia denique Bene-
dictio Israëlitarum & Vaticinium de futuris &c.*

F f 2

Confi-